

有部毗柰耶

第三

三百二十一  
樂三

49958



元祿九年丙子二月日重修

皇圖 聖圖 帝階 級昌

佛日 增輝 懋合 輪常 轉

山城州天安寺法金剛院置



根本說一切有部苾芻尼毗奈耶卷第三

樂

唐三藏法師義淨奉 劄譯

不與取學處第二

爾時薄伽梵在王舍城迦蘭鐸迦池竹林園  
中廣說法要乃至世尊未為諸聲聞尼制諸  
學處有但尼迦苾芻尼犯盜與但尼迦苾芻  
所犯事同時諸苾芻尼知是有主物所有草  
木牛糞之類不與而取時諸俗旅婆羅門等  
共譏嫌言此秃沙門尼知是他物不與而取  
自克已用與俗何異誰能輟已持食施此秃  
尼尼聞以事白諸苾芻苾芻白佛世尊以此



因緣集諸尼衆見有利益知而故問諸苾芻  
尼曰汝等實爾知是他物不與而取白言是  
實佛即訶責此非沙門尼非釋迦女所應爲  
事我爲十利制其學處廣說乃至我今爲說  
諸聲聞苾芻尼於毗柰耶<sup>制</sup>其學處應如是  
說若復苾芻尼若在聚落若空閑處他不與  
物以盜心取如是盜時若王若大臣若捉若  
殺若縛馭擯若呵責言咄女子汝是賊癡無  
所知作如是盜如是盜者此苾芻尼亦得波  
羅市迦不應共住

若復苾芻尼者釋義如上若聚落者謂牆柵  
內空閑處謂牆柵外他者謂女男黃門半擇

迦不與取者謂無人授與物謂金等以盜心  
取者謂他不與物賊心而取如是盜時者若  
五磨灑或過五磨灑若王謂刹帝利若波羅  
門若薜舍若戍達羅受刹帝利灌頂位者皆  
名爲王若有女人受灌頂位亦名爲王若大  
臣者謂王輔相爲王籌議政事以自存活捉  
者謂執將來殺者謂斷其命縛者有三種縛  
謂鐵木繩駟擯者謂逐令出國作如是訶責  
咄女子汝是賊汝癡無所知者輕毀言若  
此者指行盜人苾芻尼謂得苾芻尼性尙  
苾芻尼性謂受近圓廣說如上波羅市迦者  
是盜重罪極可厭惡是可嫌賤不可愛樂若

人犯此罪時亦纔犯已昂非沙門女非釋迦  
女失苾芻尼性乖涅槃性墮落崩倒被他所  
勝不可救濟如截多羅樹頭不能鬱茂增長  
廣大名波羅市迦不應共住者此人不得與  
餘苾芻尼而作共住若寢灑陀若隨意事單  
白白二白四羯磨若十二種人羯磨並不應  
差由此故名不應共住此中犯相其事云何  
惣攝頌曰

自取於地上

或在空中墮

檀乘及營田

輸稅并無足

旃荼羅世羅

惣収於十事

內攝頌曰

自取不與取

盜心他掌物

及作他物想

有三五不同

復有四四殊

并二五差別

斯皆據重物

隨處事應知

有三種相若。苾芻尼於他重物不與而取得。波羅市迦云何爲三。謂自取或看取或遣使取。云何自取。謂自盜取或自引取。舉離本處云何看取。謂自看盜取或自看引取。舉離本處云何遣使取。謂自遣使取或遣使引取。離本處若苾芻尼以此三緣於他重物不與而取得。波羅市迦

復有三緣。苾芻尼於他重物不與而取得。波羅市迦云何爲三。謂他不與體是重物。舉離本處云何不與取。曾無男女黃門授與其物。

是謂不與取云何體是重物若滿五磨灑若  
過五磨灑云何離本處謂從此處移向餘處  
苾芻尼以此三緣於他重物不與而取得波  
羅市迦

復有三緣苾芻尼於他重物不與而取得波  
羅市迦云何爲三謂起盜心與方便離本處  
云何起盜心謂有賊心欲盜他物云何與方  
便若手若足而興進趣離處等如前應知  
復有三緣苾芻尼於他重物不與而取得波  
羅市迦云何爲三謂他所掌物體是重物離  
本處云何他所掌物謂是重物若女男黃門  
攝爲已者是名他所掌物重物離處如前應



知復有三緣苾芻尼於他重物不與而取得  
波羅市迦云何爲三他掌物想體是重物離  
本處云何他掌物想若苾芻尼作如是念此  
物是他女男等所掌作他想餘如上說

復有四緣苾芻尼於他重物不與而取得波  
羅市迦云何爲四謂他所掌物作他物想於  
室物離本處不與而取得波羅市迦

復有四緣苾芻尼於他重物不與而取得波  
羅市迦云何爲四謂有盜心起方便是重物  
離本處餘如上說

復有四緣苾芻尼於他重物不與而取得波  
羅市迦云何爲四是他所護作屬已想是重

物舉離處何謂他所護如人有重物安在器  
中若自守護或令四兵而共防護云何屬已  
想人有重物置箱器等作屬已想此是我物  
餘如上說

復有四緣必留尼於他重物不與而取得波  
羅市迦謂有守護無屬已想或無守護有屬  
已想重物離處何謂有守護無屬已想如有  
盜賊破諸城邑逃竄林野時守路人奪得彼  
物聚在一處而守護之不執屬已何謂無守  
護有屬已想如有重物安箱器等無人馬等  
兵而為守護有屬已想不與而取重物離處  
得罪同前

復有五緣苾芻尼於他重物不與而取得波羅市迦云何爲五非已物想非親友想非暫用想取時不語他有盜心得波羅市迦

復有五緣苾芻尼無犯云何爲五作已有想親友想暫用想取時語他無盜心者無犯

彌頌曰

若在於地上

或時在器中

或復在場筭

田處諸根藥

若苾芻尼知他重物安在地上所謂頸珠臂

釧真珠瓔珞諸莊嚴具苾芻尼盜心起方便

從牀座整衣而去乃至未觸者來得惡作罪

若觸未移處得牽吐羅底也若舉離處是謂

為盜隨時准價若滿五磨灑得波羅市迦若  
不滿五磨灑得牽吐羅底也若其地平一段  
細滑是謂一處若地皮起或復破裂裂或為小  
縫或時書字種種款畫是謂異處若盤器等  
一段細滑是謂一處若有破裂乃至款畫是  
謂異處若人重物安在場中所謂頸珠乃至  
瓔珞莎鬘尼盜心起方便乃至未觸者來得  
惡作罪若觸未移處得牽吐羅底也若舉離  
處是謂為盜隨時准價若滿五者得波羅市  
迦若不滿者得牽吐羅底也若場上穀麥等  
平惣為一色者是謂一處若穀麥等高下不  
平作種種色是謂異處若他重物安篋箬中

謂諸寶物瓔珞之具。若苾芻尼起盜心。興方便。乃至未觸著。來得惡。作罪。若觸未移處。得牽吐羅底也。若舉離處。滿五得根本罪。若不滿者。得牽吐羅底也。若人重物安在篋窖內。若篋窖中穀麥等。與口平。滿惣為一色。是謂一處。若穀麥等。不與口齊。高下不平。作種種色。或復有木及席薦等。為障隔者。是謂異處。若人田中有諸根藥。謂香附子。黃薑。白薑。及諸根藥。烏頭等類。苾芻尼興方便。起盜心。乃至未觸已。來得惡。作罪。若觸未移處。得牽吐羅底也。若離本處。滿五得本罪。不滿得牽吐羅底也。

攝頌曰。

屋等處有三

鳥物復三種

禁呪取伏藏

此有三不同

若是人物雜色之衣安在屋上若苾芻尼起  
盜心興方便安梯墜以物鈎斲而昇其上乃  
至未觸已來得惡作罪若觸著衣而未離處  
得牽吐羅底也若舉離處是名爲盜應准其  
價得罪同前若浣衣人屋上曬衣被風吹去  
墮在苾芻尼經行之處或露門傍若苾芻尼  
起盜心興方便乃至未觸已來得惡作罪若  
觸著時得牽吐羅底也若舉離處得罪同前  
若人重物安在樓上謂諸寶物瓔珞之具若

苾芻尼起盜心興方便安梯墜以物鈎斲而  
昇其上乃至未觸已來得惡作罪若觸未離  
本處得牽吐羅底也若舉離處得罪同前若  
人於舍宅內或園池邊種華果樹於節會日  
以上妙物而嚴飾之所謂諸寶瓔珞之具及  
雜繒綵時有飛鳥謂珠是肉銜取而去若苾  
芻尼起盜心興方便而捉彼鳥乃至未觸瓔  
珞已來得惡作罪若觸未離本處作鳥物想  
得惡作罪若舉離處是名爲盜應准其價若  
滿五者得牽吐羅底也若不滿者得惡作罪  
若苾芻尼作如是念此是人物寧容禽鳥得  
有瓔珞若雖觸著未舉離處得牽吐羅底也

舉離處時若滿五者得根本罪若不滿者得  
牽吐羅底也

若人以諸寶物及瓔珞具置箱器中安在屋  
上時有飛鳥持物將去若苾芻尼起盜心興  
方便而捉彼鳥乃至未觸瓔珞已來得惡作  
罪若觸彼物未離本處詐鳥物想得惡作罪  
若舉離處是名爲盜應准其價若滿五者牽  
吐羅底也若不滿者得惡作罪若苾芻尼作  
如是念此是人物寧容禽鳥得有瓔珞雖觸  
著物未舉離處得牽吐羅底也舉離處時若  
滿五者得根本罪若不滿者得牽吐羅底也  
若人舍中或在池內爲戲樂故養畜諸鳥謂



鸚鵡舍利鳥俱積羅鳥命命鳥等便以種種  
諸瓔珞具而莊飾之苾芻尼見已起盜心興  
方便遂捉彼鳥乃至未觸莊嚴具來得惡作  
罪若觸彼物時未離本處作鳥物想亦得惡  
作罪若舉離處是名爲盜應准其價若滿五  
者得牽吐羅底也若不滿五者得惡作罪若於  
此物作人物想非鳥物想雖觸著未離本處  
得牽吐羅底也若舉離處滿五者得根本罪  
不滿五者得兼罪若有苾芻尼於二伏藏一  
是有主一是無主苾芻尼意欲取彼有主伏  
藏從牀而起整帶衣服作曼荼羅於彼四方  
釘揭地羅木以五色線而圍繫之於火鑪內

然諸雜木口誦禁呪作如是言有主伏藏來  
無主伏藏勿來若於彼時有主伏藏隨言來  
者乃至未見已來得牽吐羅底也若眼見時  
是名爲盜應准其價若滿五者得根本罪若  
不滿者得兼罪若作是言無主伏藏應來有  
主伏藏勿來若於彼時無主伏藏隨言來者  
乃至未見已來得惡作罪若眼見時是名爲  
盜應准價若滿五者得牽吐羅底也若不滿  
者得惡作罪若於有主無主伏藏各於異時  
別別作法而盜取者隨事重輕如上得罪  
攝頌曰

若物在檀席 或於石板等 華果奇妙樹

隨處事應知

若人重物安在檀席及地敷上所謂諸寶及  
瓔珞具若苾芻尼起盜心興方便乃至未觸  
已來得惡作罪若觸彼物未離本處得牽吐  
羅底也若舉離處是名爲盜隨時准價得罪  
同前若彼草敷同一色者是名一處若種種  
色別異不同是名異處若人重物安在石上  
乃至不滿得牽吐羅底也若石細滑惣爲一  
段者是名一處若剝裂縫開或時書字或種  
種彩畫是謂異處石上既介乃至板木牆壁  
薦席蓋覆衣幘衣櫃衣笕象牙杙牀座處若  
四足經架若門門闌安物之時事並同前若

三種樹謂華樹果樹竒妙樹苾芻尼斬截盜  
華樹等價滿不滿得罪同前

攝頌曰

若物在鞍韉 及象馬車輿 肥瘦應隨處  
偷舩事差別

如人重物置在鞍處所謂諸寶衆瓔珞具苾  
芻尼起盜心興方便乃至未昇未觸已來得  
惡作罪若觸著物未移本處得牽吐羅底也  
若移處時價若滿五得罪同前若於鞍上以  
一色物而蓋覆者是謂一處若雜色物而蓋  
覆者是謂別處若人重物安於象上所謂諸  
寶衆瓔珞具若苾芻尼起盜心興方便乃至

未昇未觸已來得惡作罪若觸着物未移處  
得牽吐羅底也若移處時價若滿五得罪同  
前若其此象皮肉血脉皆充滿者是謂一處  
若其身羸瘦若牙耳鼻及腹肋脊體據一一  
處是謂別處移離處時皆得本罪若不移處  
得牽吐羅底也若於象上莊飾憶懷於此帳  
上安諸寶物衆瓔珞具若苾芻鬘尼起盜心興  
方便乃至未昇未觸已來得惡作罪若觸着  
物未離處得牽吐羅底也若移處價若滿五  
得罪同前若此帳上以一色物而蓋覆者是  
謂一處若異色物蓋是謂別處如象既尔馬  
車步車牛車乃至諸輿亦並同前若苾芻鬘尼

見船以纜繫在於楫有心盜去搖動之時得  
惡作罪若解隨流乃至眼見已來得牽吐羅  
底也至不見處價若滿五得根本罪若不滿  
者得牽吐羅底也若逆水而上准與河闊分  
齊相似者得根本罪未及其處牽吐羅底也  
若從此岸盜向彼岸眼見分齊與前無異若  
牽船上岸盜而去者亦准眼見分齊若沉在  
泥中後時將去泥掩之時此即成盜得罪同  
前若苾芻留尼於盜物時或藏泥中若燒若突  
若破作如是念勿令此物屬汝屬我者得牽  
吐羅底也

攝頌曰

營田有三種 舩有三種殊 鵝鴈及池華  
獵漁并盜水 弟子教賊處 三種事不同  
若人秋時營作田業所謂稻蔗藍田沙窠尼  
見自田中恐水乏少遂於共有渠內塞他水  
口決已田畦作如是念令我田好彼勿成熟  
若自成他損准價滿五得根本罪不滿者得  
牽吐羅底也若見水多於共渠內泄他水口  
塞已田畦作如是念令我田好彼勿成熟若  
自成他損若滿五者得根本罪若不滿者得  
牽吐羅底也

物有四種不同一體重價重二體輕價重三  
體重價輕四體輕價輕云何體重價重謂未

尼真珠吠琉璃珂貝璧玉珊瑚金銀碼碯碑  
礫真珠石旋是云何體輕價重謂繒綵及絲  
鬱金香蘇泣迷羅是云何體重價輕謂鐵錫  
是云何體輕價輕謂毛麻木綿劫貝絮是若  
以上諸物置三種船中謂甕船木船皮船若  
以體重價重體輕價輕隨置一船若船破時  
物主告曰水上淨者任取若沉沒者屬我若  
苾芻尼起盜心興方便入水沉沒乃至未觸  
物來得惡作罪若觸著者得牽吐羅底也若  
舉離處價滿五者得根本罪若不滿者得牽  
吐羅底也若沉泥中復擬取者准前得罪若  
作非自他心沉之於泥不使其物屬彼屬我



者准前得罪以下諸戒准此應知若以體輕  
價重體重價輕物隨置一舩若舩破時物主  
告曰水內沈者任取水上浮者屬我若苾芻  
尼起盜心興方便浮水而取乃至未觸物來  
得惡作罪若觸著者得牽吐羅底也若舉離  
處應准其價得罪同前若沈泥中復擬取者  
准前得罪若人於家中或泉池所爲戲玩故  
安置種種雜類諸鳥鵝鴈鴛鴦等以衆瓔珞  
而莊飾之苾芻尼起盜心興方便入水中捉  
彼諸鳥乃至未觸瓔珞以來得惡作罪若觸  
著時作如是念我取鳥物亦惡作罪若離本  
處應准其價若滿五者得牽吐羅底也若不

滿者得惡作罪若作是念我取人物寧容禽  
鳥得有瓔珞若觸物時牽吐羅底也若離本  
處應准其價滿五根本不滿得牽吐羅底也  
若於池中有水生華所謂青蓮華嗚鉢羅華  
白蓮華拘牟頭分陀利迦香華時華衆人所  
愛苾芻尼起盜心興方便入池盜華乃至未  
觸以來得惡作罪若觸其華採折持去結以  
爲束乃至未離處來得牽吐羅底也若舉離  
處同前得罪於池四邊種種陸生華樹所謂阿  
他木多迦華占博迦華波吒羅華婆利師迦  
華摩利迦華如是等種種華樹苾芻尼起方  
便興盜心欲盜彼華乃至未觸已來得惡作

罪為昇樹採折其華置衣裾內乃至未離處  
及離處來准前得罪若有獵師及彼徒黨於  
林野處安諸獵具謂羅索等為捕諸獸為殺  
害業苾芻尼盜心取獵具准價得罪若起悲  
心毀其獵具作如是念勿由此故害多生命  
復令獵徒獲無量罪者得惡作罪以下諸戒  
同此應知苾芻尼盜心見在獐鹿而解放者  
價若滿五得根本罪若不滿者得牽吐羅底  
也若捕魚人及彼徒黨於河陂處截其要口  
安置梁筌殺諸魚類苾芻尼盜心取彼筌時  
同前得罪若作悲心同前得罪若於筌中盜  
彼魚者應准其價同前得罪若多商祿持衆

貨物過彼險途其水難得以眾器具持水而行若甕若瓦若瓶若皮囊然於人畜水有分齊苾芻尼起盜心興方便若取人水分未觸及觸准前得罪若傍生分滿五得宰吐羅底也不滿得惡作罪如贍部洲人共結商旅持眾貨物昇舶入海欲求珍寶烏無水故以種種器藏貯其水所謂甕瓦瓶囊然其水分人與傍生請受有別苾芻尼起盜心興方便盜人分時准前得罪取傍生分亦准前得罪時有弟子與其二師隨路行去師有衣物持付弟子于時弟子有盜心故徐行不進乃至眼見處來得宰吐羅底也至不見處若滿五者

得根本罪若不滿者得率吐羅底也若弟子  
棄師在前急去齊眼見不見處來准前得罪  
若弟子有盜心欲取師衣從房中趣閣上若  
從閣上往房中或從上閣下至門簷階下或  
於寺三層棚上向下而出斯等乃至眼見不  
見處來同前得罪若有苾芻尼在阿蘭若處  
住有破村賊到苾芻尼所作如是問聖者頗  
知某村家處不苾芻尼答言我知其處賊復  
問言彼家多女人少男子無惡犬無多藜棘  
易入易出於我無害取得物不若得稱意我  
當與聖者共分其物若彼苾芻尼答言仁者  
我知其甲舍多女人少男子無惡狗藜棘易

入房十亦汝無傷能得其物苾芻尼作是語  
已賊還與物乃至未取分已來得率吐羅底  
也若取賊分得罪輕重同前若其苾芻尼共  
彼盜賊作是語已於賊去後遂生追悔就彼  
賊處作如是語仁等知不我意造次不審思  
量便作是語如愚小癡昧不善其事妄爲訓  
對然彼家內少女人多惡狗叢棘難  
入難出不令汝等無傷取物隨彼賊徒去與  
不去苾芻尼得率吐羅底也若此苾芻尼見  
其賊黨欲劫村邑往到彼家作如是語仁等  
警覺好自謹慎今夜必有盜賊來入勿令財  
物皆被賊將或容身命亦遭傷殺隨彼盜賊

來與不來苾芻尼亦得牽吐羅底也若苾芻  
尼如前所作偷盜方便有三種事何謂爲三  
謂田事宅事店事田事有二種取一言訟取  
二圍遶取何謂言訟取若苾芻尼爲共俗人  
爭地詣斷官所若苾芻尼不如俗人勝者得  
牽吐羅底也若苾芻尼得勝乃至俗人心未  
息來苾芻尼得牽吐羅底也若彼俗人心息  
者應准其價同前得罪是謂言訟取何謂圍  
遶取若苾芻尼於他田處若以樹枝若以席  
障若作塹坑若以牆壁圍遶乃至圍未合來  
得牽吐羅底也若其圍合得罪同前是圍遶  
盜田事既尔宅事店事如上應知

攝頌曰

無足及二足

四足并多足

若盜如是類

輕重准應知

言無足者謂地蛭蟬此之三種是弄地人王  
家醫人及山野人之所貯畜弄地人者謂取  
其地弄以活命王家醫人者謂諸醫人以蛭  
療病而為活命何謂山野人如山中入取無  
足蟲與藥令吐瓦中熟爆以供飲酒若必芻  
尼盜此等蟲時應准其價滿五得根本罪不  
滿得方便罪

言二足者謂人及鳥若盜人時有三方便期  
處定時現槓云何期處報彼人云汝若見我



在某園中或衆人集處或在天祠當今見時  
知事成就是謂期處云何定時汝若晨朝或  
午時或晡時遙見我者知事成就是謂定時  
云何現時汝若見我新剃鬚髮著赤色衣持  
鉢執錫盛滿糲油沙糖石蜜見此相時知事  
成就是謂現相如是盜時應准其價得罪同  
前若盜鳥時有二方便謂從地擎舉若空中  
墮落云何擎舉鳥在地上擎舉偷去滿不滿  
如上說云何空中墮如捕鳥人火燎原澤爲  
欲取鳥被火逼時墮在苾芻尼經行之處或  
門屋前若苾芻尼盜心取時滿不滿如上說  
云何四足諸象馬馳驢牛羊獐鹿猪兔等若

欲盜時有三方便謂從群處或於繫處必芻  
尼於象群中盜象去時齊眼見處來得宰吐  
羅底也至不見處得根本罪云何繫處若象  
繫柱若樹若牆柵內必芻尼解放得罪如上  
盜象既介自餘馬等必芻尼盜時如前應知  
云何多足所謂蟻螻蝗蛾諸蜂蟻蝎等此中  
所須者謂於三處謂斷事官守城者法商客  
何謂斷事官謂斷事人畜養多足謂蜂蝎等  
貯在瓮內見被罰人不臣伏時令以手足內  
彼瓮中彼蜇痛時疾首其事或多出錢物何  
謂守城者謂掌城者於坏瓮內多貯諸蜂若  
怨敵來與之共戰若不退者即於城頭放其

蜂窠賊被蜂窠四散逃走何謂海商客謂人  
入海爲求珍貨坏瓦器中多養諸蜂以防急  
難賊來共戰若勝者善若不如者便持蜂窠  
遙擲賊船不能復戰四散而去  
緣處同前時有阿羅漢苾芻尼名曰世羅斷  
諸煩惱時有賣香童子見世羅尼深生敬重  
往就其所慇懃致禮自言聖者若有所須之  
物於我家中皆隨意取所有言教我皆頂受  
時苾芻尼告曰賢首善哉願汝無病後於異  
時世羅苾芻尼身嬰重病不能乞食有餘苾  
芻尼巡行乞食時賣香童子見而致禮問言  
聖者世羅苾芻尼何因不見報言賢首彼身

深患童子告曰聖者我先白言若有所須隨  
意取用曾不見來從我求覓彼有所須願尊  
為取彼便報曰如是賢首願汝無病即便捨  
去如是乃至三返懇勸請與時少年苾芻尼  
便生是念我屢聞此童子所言我宜試之為  
虛為實便持小鉢授與童子告言賢首聖者  
世羅今須少油時彼童子有新壓油盛滿小  
鉢授與彼尼告言聖者若更所須隨意來取  
時苾芻尼受已而去即以此油塗世羅身遍  
及手足油並罄盡世羅病愈便行乞食時彼  
童子見便禮足白言聖者久不相見尼便報  
曰我此嬰患白言聖者先已言請若有所須

於我家中皆隨意取曾不遺信從我求覓唯  
見一尼云聖者患從我取油我以新油盛滿  
小鉢持付彼尼世羅報曰善哉童子願汝無  
病言畢而去次第乞已還本住處告諸少尼  
曰是誰就彼賣香童子持油鉢來有尼報言  
聖者我行乞食見彼童子再三告我聖者世  
羅我已言請若有所須皆隨意取曾不見來  
從我求索若彼世羅有所須者願為持去我  
便生念應可試之驗其虛實昂持小鉢授與  
童子告曰聖者世羅今患須油時彼童子盛  
滿新油而授與我我得油已將至房中便為  
聖者塗身手足尋皆用盡時世羅尼告少尼

曰我曾令汝就彼童子取不見油不少尼答曰  
不曾使我時有餘苾芻尼與此少尼先有嫌  
隙聞此語已告世羅曰聖者今此少尼緣仁  
疾苦豈但一處擅取於油室羅伐城遍皆求  
乞他勝之罪其數難知時少尼聞此語已生  
追悔心豈我實犯他勝罪耶以緣白諸苾芻  
尼乃至白佛佛問彼少尼曰汝以何心從彼  
乞油白佛言我於重子而起試心佛言苾芻  
若作試心此苾芻尼無犯然諸苾芻尼不問  
疾者不應無乞若乞取時問疾者曰爲向衆  
僧養病堂處而求藥耶爲詣信心及親族處  
若親族多者於誰處求隨所指示應爲求覓

若不問疾人而為乞求者得越法罪

攝頌曰

稅物持寄他

持他物前去

不受便強著

為父母持行

又為三寶故

與直後均分

衣主為持將

令他染不染

將稅入小門

揔奪商人物

此頌攝緣起

如苾芻律明

根本說一切有部苾芻尼毗奈耶卷第三

樂

輟

知劣反

禿

他谷反

咄

丁骨反

柵

义陌反

薜舍

上薄開反

代

達

上詩注反

檀

之然反

逃竄

下麌筭反

場

下市綠反

小縫

下符

用反

箒

下音教去

鈎

下音卓

浣

懸管反二同

曬

所賣反

繒 綵 陵 上 反 自 俱 枳 下 反 居 只 反 反 釘 謁 下 上 反 丁 謁 字 反 去 聲

衣 櫃 位 下 反 求 衣 笕 混 下 反 胡 找 翼 青 門 闌 本 下 反 若 鞞 鞞 音 下

踐 興 音 籟 同 助 勒 音 慝 帳 偃 上 反 許 纜 反 即 淡 概 反 其 月 介

齊 二 字 去 聲 並 攔 漁 輒 上 反 良 田 畦 下 音 携 泄 音 薛 鐵 錫 下

擊 絮 反 息 慮 壅 寔 寔 二 於 貢 反 戲 玩 下 音 愚 啞 鉢 上 音 烏

衣 裾 下 音 羅 索 犬 上 反 但 捕 音 步 涼 渠 向 筌 土 全 瓦 反

戶 江 舶 白 音 筵 音 藍 棚 反 步 庚 芰 藪 棘 下 音 居 反 警 覺 上 音 景

斷 官 上 反 下 蛭 鱗 下 上 音 質 善 爆 必 殊 反 必 角 反 又 天 祠 下 音

詞 火 燎 下 力 小 反 撞 鹿 上 音 蟻 蟻 二 字 音 蝗

戮 上 音 黃 蝟 反 許 謁 蜚 音 哲 坏 反 回 身 嬰 下 音 盈 反 屢

力 句 嫌 隙 隙 下 反 怨 同 也 逆 儻 取 扇 上 反 時



